

Fylkessamling for dei kommunale råda i Vestland – 04.09 og 02.10

Vestland fylkeskommune, RMNF-Vestland, Fylkeseldrerådet og FFO Vestland inviterer til digitale samlingar og opplæring for dei kommunale eldreråda, råda for menneske med nedsett funksjonsevne og fellelråda.

Samlingane vil gje opplæring i råda sine mandat og rolle, og ta føre seg tema som relevante forskrift og lovverk, universell utforming og samfunnsutvikling. Deltakar bør halde av tid for begge samlingane då dei har ulike tema.

Detaljert innhald og program for dagane kjem så snart dei er klare.

Målet med opplæringa vil vere å gi auka kompetanse og kunnskap i rolla som kommunalt rådsmedlem, og å styrke både samarbeid og nettverk i og mellom råda i Vestland.

Tid og sted:

Dato: Fredag 04. september og fredag 02. oktober.

Tid: Begge dagane kl. 10:00 – 14:00.

Samlingane arrangerast digitalt. Påmeldte deltakarar vil få invitasjon til videomøte. Vi oppmodar kvar kommune/råd om å delta på webinar saman då vi vil leggje opp til gruppediskusjonar i løpet av samlinga.

Kven kan delta?

Råda for menneske med nedsett funksjonsevne og eldreråda i kommunane i Vestland fylkeskommune (eventuelt fellelråd) kan delta på samlinga i tillegg til administrativt sekretariat for råda. Vi håper at så mange som mogleg har høve å delta, både rådsmedlemar og varaar.

Vi oppfordrar også at administrativ leing melde seg på til samlingane.

Praktisk informasjon:

Samlinga er gratis å delta på, og vi vil kunne dekke kostnader på inntil kr. 150,- per deltakar til servering. Eventuelle andre kostnader slik som møtegodtgjersle og reise må kommunane sjølv dekke.

Det vil ikkje vere mogleg å gjennomføre årlege fysiske rådskonferansar. For år 2020 vil dette vere einaste fylkessamling for råda. For at ein skal kunne delta på videomøte er det ein del føresetnader som må vere på plass. Vi oppmodar at deltakarar frå dei ulike kommunane finn godt eigna lokale som er tilgjengeleg for alle. I tillegg må det vere følgande utrustning på møterom for å delta på videomøte:

1. Optimal løysing:

Stort møterom med profesjonelt videostudioutstyr (t.d. frå Cisco eller Poly). Desse løysingane har innebygd [ekkokansellering](#) som sørger for god og tydeleg lyd begge vegar. Det er ein stor fordel om det er to store skjermar/ projektorar i rommet. Då er det ein skjerm til video, og ein til data.

2. God løysing:

Stort møterom med Skype for business/ Teams Room system. Dette er dedikerte system kopla til skjerm eller projektor som kan delta i videomøter. Det er ein stor fordel om det er to store skjermar/ projektorar i rommet. Då er det ein skjerm til video, og ein til data.

3. Budsjettløysing

Om ein ikkje har løysing 1 eller 2 tilgjengeleg kan ein klare seg med PC/Mac på møterom, men då må følgjande krav vere oppfylt:

- a. PC må koplast til ekstern skjerm eller projektor
- b. PC må koplast til ekstern mikrofon
- c. PC må koplast til eksterne høgtalarar
- d. PC må kunne mutast manuelt når de deltar i møtet (for å unngå ekko og ulydar)

Punkt b) og c) kan løysast ved å kjøpe ekstern høgtalar/mic i ei eining (t.d. Jabra Speak 510/710/810). Dette utstyret kostar nokre få tusen og gir svært god lyd for deltakarar i begge endar.

Kontakt IT-avdeling i eiga kommune for bistand. Dersom dei ikkje har nemnte utstyr i punkt 3 tilgjengeleg vil dette vere ei god investering for kommunen.

Påmelding:

Vi ber om at kommunane melder seg på så snart som mogleg. Vi ønskjer å ha ein hovudkontakt frå kvar kommune som melder seg på som koordinator for dei andre deltakande i kommunen, til dømes sekretariatet for råda. Hovudkontakt vil mellom anna få ansvar å leggje til informasjon om andre deltakarar frå sin kommune, og vil få nettlink med informasjon om pålogging til digital samling.

For påmelding: <https://vlfk.pameldingssystem.no/fylkessamling-for-dei-kommunale-rada-i-vestland#/home>

Frist for å melde seg på samlinga er sett 21.08.20.

Kontakt:

Andreas Ask, Vestland fylkeskommune, andreas.ask@vlfk.no